

桃花源志略卷十二

唐開韶輯

胡焯同編

徵文十

石刻

唐桃花源洞詩武元衡題無年月行書三行行十四字字大四寸許碑高五尺一寸二分廣二尺四寸厚六寸一分詩見前瞿本夫古泉山館金石文編云桃花源洞有武元衡絕句一碑行書三行每行十一字大四寸許筆力遒勁丰神秀逸似非後代人筆而不書年月攷武元衡字伯蒼曾祖載德則天皇后之族弟元衡舉進士官至檢校吏部尚書

桃花源志略卷十二

兼門下侍郎同平章事劍南西川節度使封臨淮郡公爲王承宗使盜殺害贈司徒諡忠愍見唐書本傳全唐詩載此詩漁郎誤作阮郎題作同苗郎中送嚴侍御赴黔中因訪仙源之事

桃源洞詩李羣玉題無年月行書行款字數碑高厚廣尺寸與武元衡詩同詩見前古泉山館金石文編云李羣玉桃源洞絕句一首刻石洞中行款字數大小與武元衡詩同惟行書筆畫較肥少遜武碑之挺秀攷方輿勝覽列李羣玉於澧州人物云裴休入相以詩薦之遂授校書郎全唐詩錄其詩三卷云字文山澧州人此詩在其內標題云桃源開韶按此明屬李文山詩桃源縣志言一作明李輝



玉詩未知何據

桃源洞詩杜牧題無年月行書碑高五尺一寸廣二尺四寸厚六寸詩見前

桃源洞詩胡曾題無年月行書碑高四尺九寸廣二尺三寸厚七寸五分詩見前湖南通志云胡曾邵陽人咸通中舉進士不第嘗爲南漢從事有詠史詩三卷傳世全唐詩載武陵溪一首卽此詩

欽山摩崖刻欽山二大字在桃源縣南六十里

明欽山詩淳安會弦子題年月剝落正書在欽山崖壁龍君御綸嶼記云於子午洞見正德閒刻也詩見前有洞號欽山之句知此爲正德閒刻也詩見前

桃花源志略卷十二

桃川萬壽宮石龕刻文嘉靖壬午字可識餘漫滅龕內二層內一層高二尺四寸下高三尺廣一丈二尺八寸外層接內層中間縱出二尺四寸橫六尺高鑄龍鳳及雲內層西隅題識

重修桃源萬壽宮記甲子□□成祚通判邑人印偉撰賜進士出身行人司行人邑人李顯篆額辛卯□□邑人李相書嘉靖十五年歲在丙申夏五月二十六日庚辰立正兼草書碑高五尺四寸廣二尺七寸五分厚七寸二分記見前

桃川洞天重建元嶽行宮碑銘嘉靖四十四年歲值乙丑春□月賜進士□□□大夫江西布政使司右布政使



前禮科左給事邑人源楚李徵□文□□□承德□直隸  
□陽通判邑人少鶴印案篆額□□□□進士邑人沅  
南李春熙書丹本宮住持種桃道人曾世顯立石正書碑  
高六尺二寸廣三尺二寸厚七寸文見前

桃源佳致四字碑字縱一尺三寸橫一尺一寸畫深一分  
有半左鑿唐劉禹錫題右鑿明趙賢書右側鑿常德府桃  
源縣知縣□□□碑高七尺六寸八分廣三尺四寸厚  
八寸桃源縣舊志云萬曆三年巡撫趙賢重鑿

漁仙洞刻石在欽山西麓刻於文徵像額題語云於公夢  
元隱居此山盛世逸民出世餘仙道行高雅功果備圓儼  
然法相千載仰瞻前書明萬曆十一年歲次癸未長至日

桃花源志略卷十二

三

禪僧圓證說偈後書興都正畱守龍虎將軍前武科進士  
男於超刻石

桃源洞記錄桃花源記附說云此晉陶淵明所作也桃源  
洞在縣南三十里一名秦人洞洞前有遇仙橋左右山隴  
方竹亭亭翠鬱迤北里許爲清風□□□□桃花溪唐  
符載所稱靈仙之府卽此地也但邑志言漁人□□□  
□□□劉歆隨往尋□然淵明記中則云太守而不指  
名□□□□□□□□之說志或誤驥爲歆耶夫歆  
漢人非晉人也攷□□□□□□□□子驥採藥  
衡□見二石門一閉一開從開者入水□□□□□□  
□□□□樵人問津而□復欲更往終不復得大類桃源



事□□□□□□□□□□孔道使車所□往往躡屐  
臨焉而無亭以憩先□□□□□□□□右廷尉念所江公  
捐金構之恐□□□□□□□□□□為亭方臺石室□  
年不毀然費不貲也余分藩茲□□□□□□□□遂  
登覽攀石磴□級而上形勝景概清幽奇邃著□□□□  
□□□□□□□□熙林壑無□羽□騷人捫蘿尋勝憩是亭  
地之不為東□綺里者渺矣避秦□□□□□□□□□  
□□□□□□□□□□為之說如此明萬曆二十三年乙  
□賜進士通議□□□□撫苗右參□□□□□□正書記缺  
七十八字跋缺一百四十一字款缺九字桃源縣志云碑

桃花源志略卷十二 四

中官爵姓氏多剝落不可識以此跋質之陳姓學八角亭  
記大同小異陶字劉公跋元亮詩所云參藩陳還冲勒紀  
於石蓋指此碑改記中太元作太康沿任安貧武陵記之  
文狹字下多一字數步作數十步嘆惋下無餘人字與今  
本殊焯謂以桃花源記為桃源洞記改元為康殆強古人  
以就我其脫落異同處亦其疏略不加攷核耳

桃川八方亭碑記萬曆二十三年參藩陳性學題記見前  
遊桃川宮詩碑萬曆二十三年參藩陳性學題詩見前  
再遊桃花源詩并序碑□□江東之題萬曆丁酉春督工  
典史吳國卿立行書碑高六尺二寸廣三尺五寸厚六寸  
二分詩見前



和陳一水方伯壁閒韻詩青城山人張喬松書無年月行書碑高五尺一寸廣三尺二分厚六寸按湖廣通志張喬松爲分守湖北道在陳性學後李廷謨前故次於此詩見前

桃花源詩碑錄淵明桃花源詩并評云東坡曰世傳桃源事多過其實考淵明所記止言先世避秦亂來此則漁人所見似是其子孫非秦人不死者也又云殺雞作食豈有仙而殺者乎舊說南陽有菊水水甘而芳居民三十餘家飲其水皆壽或至百二三十歲蜀青城山老人村有五世孫者道極險遠生不識鹽醯而溪中多枸杞根如龍蛇飲其水故壽近歲道稍通漸能致五味而壽益衰桃源皆此

桃花源志略卷十二

五

比也使武陵太守得至焉則已化爲爭奪之場久矣嘗憶天壤閒若此者甚衆不獨桃源胡仔曰東坡此論蓋辨證唐人以桃源爲神仙如王摩詰劉夢得韓退之諸作是也惟王介甫作桃源詩云一來種桃不計春採花食實枝爲薪兒孫生長與世隔知有父子無君臣與東坡之論合洪景盧云陶公記詩不過稱賞仙家之樂惟韓公以爲渺茫甯知僞與真云云而不及作記之意竊意桃源之事以避秦爲言至云無論魏晉乃寓意劉裕託之秦耳胡仁仲詩大畧云靖節先生絕世人奈何記僞不考真先生高步窘末代雅志不肯爲秦民故作斯文寫幽意要似寰海離風塵斯說得之吳傳正詩話曰古今所傳避秦茹芝之老採



藥之女入海之童往往不少桃源事未必無特所記漁父  
迷不復得路有似異境幻界神仙之云此韓公之所以疑  
也陶公慨然叔季寤寐義皇異時所賦路若經商山爲我  
少躊躇多謝綺與角精爽今何如向慕至矣其於桃源固  
所樂聞故今詩云黃綺之商山伊人亦云逝願言高舉於  
此可以知其心而事之有無奚論哉頗與前輩之意相發  
又附識云靖節先生既記桃花源事□□著爲詩篇詠歌  
再四□慕黃綺商山願□□清風高舉□□先生處晉心  
事盡可知也□山蘇胡仔氏各□評論洎吳傳正詩話當  
日記詩所言若有□亡皆不□□執而山川幽概絕勝千  
古矣大中丞念所江公□捐金構亭參藩陳還沖□勒紀

桃花源志略卷十二

六

於石余秋日道焉度亭前地得池半畝屋二重厝錢如千  
緡檄邑庀□而□洞大觀斯備昔人□每見桃花逐水流  
□時不憶武陵人其□戀之情何其切至吾家子驥忻然  
親違先生所□稱爲高尚□□春風紫苔綠楊翠霞抑又  
東坡所謂滿□□期羅浮穉川□界海內探方□之奇騷  
人羽客□□遊詣灑然有餘思矣工竣碑於池右如此云  
爾明萬曆三十二年冬十一月十五日吉日賜進士□□  
憲大夫湖廣按察司分巡湖北道副使川南劉之龍起潛  
甫識桃源縣知縣魏□□督工典史胡以下缺正書碑高  
七尺二寸三分廣五尺六寸厚七寸二分額鐫雲日左右  
鶴各一



遊桃源洞詩萬厯丙午中秋月□□□史□□黔南李華  
書草書碑高二尺八寸八分廣三尺四寸厚四寸橫分二  
段各有額趾上題五絕二首下題七絕四首五絕詩引缺  
十一字七絕題缺九字詩缺七十餘字款缺五字詩見前  
桃源洞詩丙午□□蒲□張□□□草書碑高二尺一  
寸廣三尺二寸三分厚三寸五分詩引缺七字詩缺二十  
二字款缺七字詩見前

重修桃源記萬厯丁未仲夏月穀旦賜進士出身中□大  
夫湖廣按察司副使欽差分守湖北道兼管苗□□糧餉  
□布政使司右參議前兵工科左右給事中侍□□□□  
□李□□撰並書□□府知府張定微同知周□通判李

桃花源志略卷十二 七

際時推官唐仁暎桃源縣知縣黃涑主簿何伯熹典史胡  
子楨鄭可教同立石正書額篆重修桃源洞記六字碑高  
五尺零一分廣二尺八寸厚七寸二分記缺八十五字款  
缺十四字此記據桃源洞天志云李廷謨撰記見前  
再遊桃源洞詩豫章□崖李廷謨題無年月草書碑高二  
尺五寸廣三尺七寸厚五寸二分詩序缺二十字詩缺七  
字款缺一字詩見前

遊桃源洞詩萬厯戊申春分巡湖北右參政兼僉事大梁  
郭顯忠撰正書碑高二尺四寸廣四尺九寸厚四寸八分  
詩見前

桃川大士山堂記萬厯三十七年重陽日賜進士出身大



中大夫湖廣布政司參政兼分巡湖北道太康郭顯忠書  
知縣黃涑縣丞俞建□立石正書碑高六尺一寸廣三尺  
五寸厚五寸款缺一字詩見前

桃花源詩巡撫湖廣都御史桐汭李得陽撰屬吏桃源縣  
知縣晉江趙□□□無年月行書碑高八尺廣三尺八  
寸厚五寸五分款缺四字按湖南通志李得陽蒞任在萬  
厯後故次於此詩見前

桃源洞歌鄒元標題並書行書萬厯四十八年庚申歲仲  
秋月吉常德通判廬陵門人李一鳳立石後有跋云南翁  
先生人中麟鳳世外夔龍海內想望伊呂之勳而東山堅  
臥無從接丰采吟詠爲快迺花源僻陋地值先生都勻

桃花源志略卷十二

八

之役得辱便道因有遊桃川洞歌暨題夢得碑絕句見於  
雲中存稿不肖思得手翰勒之貞珉戊午春託母舅劉龍  
岡求焉舅氏先生里人慨然手書以寄會郡尊廬陵李老  
師爲先生門人亟索之登石捐俸以永其傳而邑令張中  
尊以年家誼欣然快厥成焉先生附鄧敬仲書命不肖爲  
一跋語么麼如疏何敢點污名筆而先生臭味先君又家  
舅氏桑梓瓜葛因過好不肖如孔李通家夫何敢辭先生  
以性命爲真誼氣節事功如玉屑之不欲著眼何有於翰  
墨而鳳毛麟甲世所共珍桃花源之勝何可無此佳蹟令  
與元亮之記並垂天壤也昔羊叔子感嘆峴山悵然千古  
而從事鄒湛附以聲施至今今先生品地非叔子所敢望



花源片石萬倍峴山余小子得綴名其間不啻從事之於  
羊公抑何厚幸也桃源通家後學江禹疏薰沐拜書碑高  
七尺四寸廣四尺二寸厚六寸首鐫雙螭及雲缺二字詩  
已見前

觀劉禹錫桃源洞書壁輒題二絕鄒元標撰草書下有印  
章二萬歷四十八年庚申歲仲秋月吉常德通判廬陵門  
人李一鳳立石桃源通家後學江禹疏摹勒碑高五尺六  
寸廣二尺二寸二分厚二寸八分詩見前

桃源洞詩崇禎三年仲秋鄴下張鏡心題行書缺二字詩  
見前

秦人古洞四字無題識大徑二尺強磨崖在桃源洞口

桃花源志略卷十二

九

闢開真面目五字無題識在桃源洞前

桃源洞詩并序東粵葉□□無年月行書碑高六尺一寸  
廣三尺六寸厚六寸詩序缺六字款缺二字詩序並見前  
遊桃源洞詩豫章聶鉉題無年月行書碑高四尺二寸廣  
二尺一寸一分厚四寸二分詩見前

遊桃源洞詩□□湯登瀛題無年月草書碑高二尺一寸  
廣三尺七寸厚五寸缺二十七字款缺二字詩見前

秦人洞詩漢陽胡紹安題無年月行書碑高三尺五寸八  
分廣一尺五寸三分厚五寸一分缺一字詩見前

桃源洞記康熙四十八年 賜進士第提督湖廣全省軍  
務統□□□兼□□□□□□控制苗□節制各鎮總



兵官左都督加六級關口俞益謨撰標下前營遊擊謝瑛書丹桃源縣知縣高口立石草書碑高四尺六寸廣二尺一寸厚四寸缺四十九字款缺十三字記見前

遊桃源詩康熙己丑春仲湖廣提軍使者關中俞益謨題行書後有印章碑高四尺六寸廣二尺一寸厚四寸詩見前

桃源洞詩口海董思恭題無年月草書碑高三尺九寸廣二尺厚四寸一分款缺一字詩見前

桃源行董思恭題無年月草書碑高四尺二寸廣二尺厚四寸詩見前

水溪石刻山陰道上四字巡檢陳丹山題無年月正書

桃花源志略卷十二

十

桃源洞詩并序乾隆二十八年秋七月楚南使者雲開喬光烈題正書碑高四尺八寸廣二尺三寸八分厚四寸詩序並見前

秦人洞詩嘉慶戊午河東范鶴年題嵌八角亭壁閒石高一尺三寸橫二尺五寸詩見前

過秦人洞詩百齡撰無年月嵌八角亭壁閒石高九寸八分廣一尺三寸詩見前

右石刻今存者

唐黃仙師瞿童記在桃源縣南桃川宮貞元元年八月二十日符載撰載桃源縣志碑今不存記見前

桃源觀三洞閣窠君碑董佺書載湖南通志碑不存文亦



佚

桃源行及八月十五夜桃源翫月詩劉禹錫題禹錫兄子  
翫跋云叔父元和中徵昔事爲桃源行後貶官武陵復爲  
玩月作並題於觀壁爾來星紀再周翫牽改此郡仰見文  
字闕缺伏慮他年轉將塵沒故鐫在貞石以期不朽太和  
四年翫謹記載全唐詩注又金石錄目載桃源詩劉禹錫  
撰李□書太和四年又寶刻類編載劉禹錫桃源洞詩碑  
在鼎州當卽此詩故不重列

桃源佳致四字劉禹錫題載袁小修遊記石已不存有明  
人重刻已著錄

桃源觀石壇記元和十四年韋乾度撰載縣志記見前

桃花源志略卷十二

十一

瞿栢庭記長慶二年刺史温造刻石載輿地碑目又桃源  
洞天志云桃川宮記長慶二年五月三日朗州刺史温造  
撰並書又江淮異人錄云唐瞿童述碑在桃源桃川宮曩  
爲好事者磨去重刻惟存碑側數字皆謂此碑又天下金  
石志云瞿栢庭昇仙碑温造撰在辰谿縣或傳聞之異詞  
也唐書藝文志有温造瞿童述一卷亦當卽此記也記見  
前

編 長慶三年朗州刺史温造桃源宮題名在鼎州載寶刻類

桃源山界記狄中立撰進士徐元書並篆額開成五年立  
在鼎州載寶刻類編桃源縣志作桃源觀山界記記見前



桃源洞詩曹唐題載縣志詩見前

桃源修壇記蹇宗儒撰甘從和書在鼎州載寶刻類編按通志略碑文攷桃源拾遺並云甘從福書

桃源山界記王適書載桃源洞天志書或作撰

宋靈巖洞壁刻元豐庚申五月康奎文叔蔣□子微同遊洞門刻子微詩細書兩字爲一行載陽文弱靈巖洞記

桃源洞詩宋大觀元年正月范致冲撰行書載潛研堂金石文字目錄附錄

靈巖前洞左側方輒刻詩一絕後書政和某年月日郡倅零陵唐績載楊文弱靈巖洞記記又云額篆唐朝奉題靈巖字極了了郡志譌爲洛浦師詩不知何據桃源縣志云

桃花源志略卷十二

十二

今寺壁有方輒刻詩無年月日不知何人重鐫詩已見前靈巖斷碑在洞前積沙中載輿圖名勝覽按此言斷碑似非卽輒刻詩故別列爲一不知其年故類列於靈巖之後建炎三年鼎州桃源大水有石流出有文似天書字畫皎然可識凡三十二字載夷堅志文已見前

桃源洞詩王十朋撰載常德府志湖南通志云按宋史梅溪並未至此何以有題詠焯意或卽梅溪和昌黎詩他人爲刻於石耳詩見前

欽山宋嘉定閒銘載龍君御綸嶼記記云於積壁藜莽中得宋嘉定閒銘云從巖頭招提遊聖珠洞數語而銘左復遭匠氏之厄損其半



游桃源洞詩明李載陽撰

靈巖洞壁詩關士琦題俱載桃源縣志詩並見前

國朝重修桃川宮碑胡其高撰載九縣志

右石刻不存見於各家著錄者

### 書志

梁伍安貧武陵記鮑堅武陵記二書並見各家徵引安貧或云晉宋閒人伍或作任或作王焯按安貧書中所記桃花源事漁人黃道真太守劉歆殆因淵明之記而造為姓名以實之其書必在淵明後或謂淵明采其書以作記非情理也其改太元為太康又劉歆同漢人姓名亦不足深辨鮑堅不知何時人當又在安貧之後耳又世傳續按神

### 桃花源志略卷十二

十三

記偶陶淵明著其書首載桃花源記以後記各怪異事語意庸鄙必妄人依託為之因論武陵記附辯於此

唐書藝文志溫造瞿童述一卷即瞿柏庭記已著錄

宋元祐閒姚孳輯桃花源集一卷見永樂大典 國朝四

庫全書目錄總集類存目云桃花源集一卷宋姚孳編孳

四明人元祐辛未補武陵令因道士龔元正所輯古石刻

文及諸家題詠輯為是編前有自序稱沅水去牂牁西流

貫武陵東會洞庭而桃源枕其涯異人逸士多寓焉故錄

嘉祐以前諸公詩文綴為一卷云

宋陳振孫直齋書錄解題桃花源集二卷又二卷紹聖丙

子四明田孳序淳熙庚子縣令趙彥琇重編合為一卷下



卷則淳熙以後所續

宋淳熙閒趙彥琑張櫟輯桃花源集一卷見晁公武讀書志

明隆慶閒馮子京輯桃花源集三卷 四庫目錄總集存目云子京字南台錢塘人嘉靖乙丑進士官至湖廣按察使桃花源在湖南常德府桃源縣卽陶潛所記者也子京取彥琑張櫟舊集補其闕逸更爲詮次又增以元人明人之作爲三卷

桃源洞天志二卷乾隆甲戌年桃源僧一休輯有刊本分守道陳雨泉浩爲作序并一休自序俱已著錄

書畫

桃花源志略卷十二

十四

桃源圖詩錄桃源畫記已見前

清河書畫舫云韓氏藏曹弗興桃源圖前有天監年標題中有韓昌黎歌行一篇後有宣和御筆題識印記雖舊物而不真桃源事始於靖節一記弗興焉得豫爲圖之杜撰可笑

嚴氏書畫記趙伯驩桃源圖一後有高宗書淵明詩文真蹟按伯驩乃伯駒之兄高宗時嘗奉詔寫天慶觀樣命吳中依樣造之今元妙觀是也其畫世不多見此圖舊藏宜興吳氏嘗請仇實甫摹之與真無異其家酬以五千金由是人閒遂多傳本然精工不逮仇作遠矣

圖畫見聞志關仝長安人工畫山水學徒荆浩有出藍之



美馳名當代無敢分庭有趙陽山居溪山晚霽四時山水桃源早行等圖行於世

龍君御跋董太史書桃花源記卷云膺交雲閒馮元成董思白兩先生游思竹素鞭扶風霆臻丹臺之九還入那伽之三昧儒耶仙耶佛耶元成先生持節來武陵思白手書陶靖節所爲桃花源記并詩投之行李豈以武陵故仙隱福地而使君天人也宜操五色管一抉其靈閣膺生長桃溪上有志於仙佛而隱焉因綴數語於卷尾

又跋沈石田畫卷云膺得石田是卷時時披玩悅夙游溪村最勝處與黃綺諸隱逸相偕竹露松濤板橋草閣扶藜載舫以吟以觴庶幾自悟前世蓋無懷葛天之民也文章

桃花源志略卷十二

十五

詩畫有獨詣者能移人心神類此吾鄉爲桃花源故里人好山水隱逸殆先民之遺近闢滙園於柳葉湖上林壑幽勝繞屋長松大與圖相仿佛卽以是爲溪山別業圖可耳令千載而下見茲圖者如見我滙園也

常德府志陳志光工渲染能脫匠氣爲貴游畫桃源圖饒有氣韻